

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara:

(inatsisartunut ilaasortaq Anthon Frederiksen, Partii Naleraq)

**Naalakkersuisunut apeqquutit:**

- 1. A/S INI-imi suliassanik agguaasarneq/neqeroortitsisarneq aammalu inissiat pitsaassusaannik nalilersuisarneq qanga sularinnittussarsiuunneqarpa ?**
- 2. Apeqquummi nr. 1-imi sulariumannittussarsiuussineq tamanut ammasumik qanga neqeroortigineqarpa ?**
- 3. Suliffeqarfiup sorliup suliassaq ingerlatilerpaa/tiguvaa ?**
- 4. Suliffeqarfiit qassit sulariumannittussarsiuussinermi peqataappat ?**
- 5. Suliakkiissummut aningaasat qanoq amerlatigisut immikkoortinneqarpat ?**
- 6. Ineqarnermut Pisortaqarfimmi atorfeqarsimasut qassit apeqquummi 1-imi sularinnittussarsiuussinermi akuuppat ?**

**Tungavilersuut:**

Partii Naleqqamiit assorujussuaq pingaartipparput Namminersorlutik Oqartussat pigisaannik ingerlatsineq aqutsinerlu ammasumik takujuminartumillu ingerlanneqassasut, soorlumi aamma Naalakkersuisut, naalakkersuisooqatigiinnissamik isumaqatigiissuteqaramik Namminersorlutik Oqartussani ingerlatsinerup ammasumik ingerlanneqarnissaa erseqqissaatiginikuugaat.

Partii Naleqqamiit pingaartumik pisortat ingerlataanni suliassanik assigiinnigitsunik sulariumannittussarsiuussinerni tamanut ammasumik sulariumannittussarsiuussisarnissaaq, minnerunngitsumik aamma suliffeqarfiit maani nunatsinni suliassaqartinneqartuarnissaa, suliffissaaleqinerullu appasinnerpaaffianiitinneqarnissaa kiisalu aningaasat amerlanerpaat nunatsinni kaaviiartinneqarnissaat anguniarlugu ingerlatsisoqassasooq.

Ullut suliffiit qulit qaangiutinnginnerini akineqarnissara kissaatingaara.